

**Anspraak taun ökumenischen Gottesdienst bi dad  
Schützenfest in Äsdörp an`n Freidag, dan`n 26. Juli 2019  
Klok 19.30 vör dei St. Stephanus-Kerk**

Lang is dat hier, siet dei Kriegsdeilnehmers in dat vörige  
Juhrhunert un ok noch durför, an`n Enn vun Krieg wedder na  
jüm ihr Heimat un Huus trüch kamen sünd. Dei fürchteligen  
Erlebnisse an dei Front leigen nu achte jüm, aver an dei  
Kameradschop, dei sei erlebt hein, wulln sei wiesholn. Dei  
schüll blieben, wennt gan dä, up Duur. Durüm schüll dat ok  
fiert warn, jümer un jümmers wedder. Düsse Verbinnung  
twischen dei Minschen schüll blieben un plägt warn. Dat  
schüll ein Teiken wän för Vesöhnung un dei Bereitschop, dan  
Freeden tau wuhrn un an im fasttauholn un vöranbring.

So ok vundag, an`n 26. Juli 2019 hier an düsse Stäh twischen  
us Denkmal för dei Kriegers ut beid Weltkrieg un us St.  
Stephanus-Kerk hüt as Uproop taun Freedem. Wot dei  
Geschicht mit all ihr Kriegerei angart, hät düsse Kerk us ut all  
ihr Juhrhunderten väl tau vertähln. Denkt wei nur an dan 30-  
jähriegen Krieg. An düsse Stäh, leibe Schützen, Frauns un Kirls,  
Jau alltauhoop ein good Lov un ein noch gröderen Dank  
durför, dat jü in Folg nu a siet 1989, dan eisten  
Feldgottesdeinst vör nu 30 Juhr an düsse Stech anträn daut.  
Un so Juhr bi Juhr. Durmit gävt jü ein Teiken, wot jedein  
dütlich seihn dart ok vunnabend. Dütlich wiest jü hin up dat,  
wot Wiert hät för us un all dei Minschen in us Welt, Freedem  
un Freeheit. So let sik dat gaut fiern in Fründschop un in  
Kamradschop. Dur kummt Freid up, üm tausamen düt Fest  
tau begahn – liekes Juhr üm Juhr.

Dat givt ok Sinn, durbi tau blieben un dat ok wiegehin tau daun, wot Pfarrer Heidkämper un Pöstur Dietze tau ihr Tied för 30 Juhr anfang hebbt. Sei beid hebbt dan Grundstein leggt. Sei wüssen, wot sei durmit in Gang sett hebbt bet tau düssen Dag. Sei wulln Ökume bi us in Äsdörp upn Weg bring. Dat hät jüm glückt. För us hüt is dat ein Vemächtnis worn jüm gegenüber. Us is dat wiss: In Äsdörp givt twei Kerken, in dei wei Minschen jedein in us Dörp up sin Wies bisamen hürt. Wei hürt tauhoop!

Düt is ok vun Bedüung in dan Inholt vun dan groden Zapfenstreich, dei ut dat 16. Juhrunert vun Kaisers Tien hierkummt un dan wei nahier noch tau hürn kriegt mit dat Blasorchester Seevetal un dan Spelmannszug Sprötz-Kakensdörp in dan Choral: „Ich bete an die Macht der Liebe, die sich in Jesus offenbart“.

Dei Inholt vun düt Kerkenleed let dat dütlich warn, näm Freedem und Freeheit jüm ihrn Ursprung häbt. Up dei Frag durna givt ein drebbend Antwort: In God sin Leiv un Barmhardigkeit tau us Minschen, tau di un tau mi! Dat start fast ahn Utnam! Wei könnt im vull Vetraun, so as hei dat in sien Wurt vespraaken hät. So heebt wei dat all in us Konfemanden – ode Komunionstied liert. Dat gans neit ode uk dat ole wedder nei wiss tau warn, maakt ein wiegen Ruum in us Hart. So lät sik dat bannig gaud läben un ok mit Freid fiern dat Äsdörpe Schützenfest 2019. Amen.

Wei singt nu dat nächste Leed Nr. 316,1 – 4